


随園詩話

十二之三

七



內閣文庫	漢書類
三	入大號
函	冊
四	架



內閣文庫	
番號	漢 3960
冊數	10 ( 7 )
函號	363 152



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



隨園詩話卷十二

戴翰讓有句云夜氣壓山低一尺周蓉衣有句云山影

壓船春夢重皆妙在可解不可解之間

人人共有之意共見之景一經說出便妙盛復初獨寐

云燈盡見忘影酒醒聞笛聲符之西湖玉漏日松陰

薄搖風花影移女子張瑤英偶成去短垣延月早病葉

得秋先鄭幾尺雪後遊吳山云人來饑鳥散日出凍雲

鳳巫峽道中云烟瘴寒雲起灘聲驟雨來洗大成登淨

寺詩五卷十二

暑

篆書印章

慈寺云花氣隨雙屐湖光納一窻姜西溟野行云橋歌  
眠折葦檻倒坐雙鳥

有全首在人意中者門生蔡家璋舟中云孤客心情急  
去旌榜人帶月趁宵征去舟時共來舟語殘夢依稀聽  
不明汪舟次田間云小婦扶犁大婦耕隴頭一樹有啼  
鶯兒童不解春何在只向遊人多處行此種詩兒童老  
嫗都能領畧而竟有學富五車者終身不能道隻字也  
他如湯擴祖之事當失路工成拙言到乘時是亦非方  
子雲之優孟得時皆貴客英雄見慣亦常人酒常知節

狂言少心不能清亂夢多吳西林之貧士出門非易事  
豪門投刺豈初心皆使聞者人人點頭

吾鄉鄭幾尺先生名江康熙戊辰翰林幼孤貧里中有  
商人張靜遠者助其讀書先生貌寢眇一目湛深經學  
而詩獨風騷自嘲云白號小冠杜子夏人唾一目江東  
王藏花片於書中題云卷裏崔徽帳中李何如通替見  
殷妃

咏雲者吳尺鳧焯有句云蘆花搖雪碍船過雲葉隨風  
逐雁飛陳心田寅有句云一雁披霜千樹冷片雲移日

半山陰嫌飯遲者劉悔菴云冷早秋衣薄天陰午飯遲  
顧牧雲云衣輕曉寒逼薪濕午炊遲咏新僕者汪舟次  
云見事先人往應門荅語輕吳野人云長者尊難近新  
名荅尚疑四人皆無心之雷同而俱妙又張哲士咏老  
僕云曠職身常病應門語每訛亦趣

六合彭厚村家資百萬慷慨好施年六十而家資罄矣  
不得已辭家遠出卒於乃弟孝豐署中葛筠亭哭以詩  
云頭盈白髮翻為客手散黃金可築臺又曰俠傳衆口  
難為富患在無錢不認貧真厚村小傳其弟勉菴葛弟

燈

子也葛往訪之贈詩云笑隨童叟來聽政要借雲山去  
賦詩在西湖夜望云月光山色靜意靡夜景空明水四  
圍多少漁澄風不定滿湖心裏作螢飛葛詩筆絕佳半  
生為時文所累然高達夫五十吟詩故未遲也

有人畫七八瞽者各執圭璧銅磁書畫等物作張口爭  
論狀號羣盲評古圖其諂世也深矣劉鳴玉題云耳聾  
偏要逢人聒足跛轉喜登山滑可惜不逢周師達眼珠  
个个金篦刮

又有人畫牽車圖將妻子奴婢器具食物盡放車中一

枯瘦男子牽長繩背負而走空中一鬼持鞭驅之亦醒世意也余題云人世肩頭各一擔梅花馱過杏花殘暗中何必長鞭打就作神仙嬾亦難

寶意先生有女曰可字長白有才而天咏苔云昨宵疑有雨深院久無人題畫云黃雪襪襪點翠環秋光一抹上房山采雲飛盡碧天遠半夜月明響珮環寶意編其詩號曇花一現集

張麟圃計偕人都與其同寓夢至大海四望皆五色牡丹鸞麟翔躍有女郎容貌絕世袖中出碧玉版如桐圭

曰此女媧箋也求郎題詩張題一絕女曰郎詩固佳未謙妾意須倩某郎爲之所云某者卽其全寓友也次早起行述所夢相全是科張竟落第而其捷南宮矣其所題僅記二句云泪花逗雨鮫珠死畫屏幾盞扶桑紫山陰女子陳淑旂晚思云弱質怯春寒名花帶月看惜花兼惜影不忍倚闌干

余乙卯科試考列前茅其時在帥學使幕中閱卷者邵君昂霄也相遇湖上有所贈云韻到梅花清有骨軟於楊柳怯當風余有知己之感故至今誦之

山陰沈冰壺字清玉有古調獨彈集以新樂府論古事極有見解如辨永王璘之非反李白之受誣作夜郎行雪李贊皇之非黨作崖州行笑隋主誅宇文身死於宇文作南氏怨以何平叔之不父曹瞞為孝不從司馬為忠其粉白不離手之說即梁冀誣李固之胡粉飾貌也人言崔浩毀佛遭禍乃咏崔浩云山不能救佛豈能阮尤為超脫

湯中丞莘來聘湖上云小橋隔岸時通馬細柳如烟不礙鶯徐正亭方伯垣荆州云帆檣影帶巫陽雨草樹聲

含鄂渚秋二人不以詩名而風調頗似中唐

胡偉然釣臺云在昔披裘客浮名著意逃江流日趨下益見釣臺高錢相人方伯釣臺云圖畫功各安在哉高風千古一漁臺此情惟有江湖解流到灘前便急回余過釣臺見石刻林立獨愛此二首

題畫詩最妙者徐文長畫牡丹云毫端頃刻百花開萬事惟憑酒一杯茅屋半間無住處牡丹猶自起樓臺唐六如畫山水云領解皇都第一名猖披歸卧舊茅衡立雖莫笑無餘地萬里江山筆下生吳仲圭畫旅景云南

陵水面漫悠悠風緊雲輕欲變秋自是客心孤迥處誰  
家紅袖倚高樓

詩中用虎點綴者最少吳尊萊有句云樵聲密雲隔虎  
跡落花封雪嶠大師有句云殘雪枝頭雪未消熟眠老  
虎始伸腰唐人句云夜深童子喚不起猛虎一聲山月  
高

崔尚書應階督浙閩自稱研露老人書扇贈歌者櫻桃  
云柳鞦花嬌已斷魂春風空自與溫存歌筵一曲當年  
事猶識金環舊指痕

松江何嘯客有西湖詩四十首或誦二首云秦亭山頭  
暖氣勻秦亭山下早梅新嫁郎願嫁秦亭住占得梅花  
第一春長短蘭橈拂清汀聲聲簫鼓集西冷爲誰唱出  
桃花曲儘著蕭郎簾外聽

詩改一字界判人天非个中人不解齊已早梅云前村  
深雪裏昨夜幾枝開鄭谷曰改幾字爲一字方是早梅  
齊乃下拜某作御溝詩曰此波涵帝澤無處濯塵纓以  
示皎然皎然曰波字不佳某怒而去皎然暗書一中字  
在手心待之須臾其人狂奔而來曰已改波字爲中字

矣皎然出手心示之相與大笑

沈存中云詩徒平正若不出色譬如三館楷書不可謂不端整求其佳處到死無一筆此言是也然求佳句詩便難作戴殿撰有祺句云但得聞身何必隱不耽佳句易成詩

宋人咏五月菊云爲嫌陶令醉來就屈原醒咏十月桃

云劉郎再來歲云暮玉母一笑天爲春兩用事俱清切

近日姜紹渠咏諸葛菜云至味於今思淡泊軍行到處

寓農桑

已卯秋陳竹香從都門來替余長女成姑議婚所議者

曹來殷舍人也誦其句云水連鐵甕無邊白山到金陵

不斷青余極賞之陳以書寄曹曹欣然允諾兩家已有

成說矣適蘇州故人蔣誦先別甥不已遂定蔣而辭曹

嫁未半年女與婿俱亡數之不可挽也如是曹旋入詞

林

聖人稱詩可以興以其最易感人也王孟端友某在都

娶妾而忘其妻王寄詩云新花枝勝舊花枝從此無心

念別離知否秦淮今夜月有人相對數歸期其人泣下



即挾妾而歸

杭州汪秋御夫人程慰良咏秧針云陌旁柳線窮難定  
水面羅紋刺不禁可謂巧而不纖又有句云事從悟後  
言皆物討到工時心更虛真學者之言有二女皆能詩  
長女神和母句云松留石下千年藥雨引池中二寸魚  
次女神云皓日穿窓飛野馬平池貯水數浮魚  
王生同太守母夫人楊氏江都人爲昭武將軍諱捷者  
之女孫咏槩云游魚浮水聽大解出沙行年十九生生  
同十四日而亡故生同有十四日兒譜行世

王阮亭詩云  
佛粟花下小  
迴廊曲院深  
牡蠣牆見帶  
經堂集

余入學年才十二龔立夫名木者亦髫年同覆試時立  
夫著繡領紅袴爲學使王交河先生所呵今五十餘年  
矣老而不遇有人傳其看庭桂一首云牡蠣牆陰碧蘚  
封連蝨古幹影重重曉風吹過葉微動夜雨漬來香更  
濃好就曲欄敷坐具時從幽境策吟筇天香滿院娛清  
晝一任泥深斷客踪

余泊高郵邑中詩人孫芳湖沈少岑吳螺峯招遊文遊  
臺是東坡萃老少游定國四人遺迹席間沈自誦其春  
草云山經燒後痕猶淺雪到消時色已濃余甚賞之屏

香園詩話卷之二

上有王樓村詩云落日倒懸雙塔影晚風吹散萬家烟  
真臺上光景螺峯云樓村以七律一聯受知於宋商邱  
中丞遂聘在門墻列江左十五子中大魁天下詩云尊  
中臘酒翻花熟案上春聯帶草書不過對仗巧耳前輩  
之愛才如此十五子中宰相尚書不一而足惟李百藥  
一人以諸生終而詩尤超絕

熊觀察學驥字蕨泉自楚中歸兩目盲矣其晉接周旋  
較勝有目者居秦淮水閣與余晨夕過從死前半月賦  
秦淮雜咏云秦淮二月畫簾開便有遊人打棹來燕子

不歸春又暮幾家閒煞好樓臺笑語勾留畫舫停紅粧  
綠鬟影娉婷簾前燈映樓頭月十里人家一畫屏亡後  
余哭之哀作輓聯云生祭有祠楚國至今歌善政風騷  
無主秦淮那可喪斯人

六合孝廉張廷松清才不壽詩不多而饒有唐音古意  
云荷葉風香隔水涯吳姬盪漿濕裙紗晚來滿載新蓮  
子月上橫塘正到家

金壇虞廣文景星康熙壬辰進士年八十餘與余相遇  
蘇州詩才清妙都未付梓偶成云貧不賣書留子讀老

猶栽竹與人看。將雪論交人尚暖。與梅相對我猶酥。解  
組云人情驗自休。官後我意渾如出夢時。訓兒云偶然  
爲汝父未免愛吾兒。

壬戌余與陶西園鏞俱以翰林改官陶先乞病庚午余  
亦解組隨園陶與余同踏月云偷得閒身是此宵。白門  
何處不瓊瑤。芒鞋醉踏三更月。猶認霜華其早朝。壬申  
余從陝西歸陶方起病赴都見贈云草草銷魂過白門  
故人招我住隨園。同看昨歲此時雪。仍倒空山累夕尊。  
竹壓千竿青失影。峯鋪四面白無痕。君行萬里詩奇絕

何意重逢一快論。余置酒出路上詩相。示陶讀至扇鵲  
墓云一坏尙起膏肓疾。九死難醫嫉妬心。不覺淚下詢  
其故爲一愛姬被夫人見。逐故也。余欲安其意適家婢  
招兒年將笄矣。問肯事陶官人。否笑曰諾。遂以贈之。正  
月七日方毓川掌科王孟亭太守朱草衣布衣呂星垣  
進士漆箱贈枕各賦催粧陶有詩云脫贈臨岐感故人  
相攜風雪不嫌貧。當他意處無多少。未老年華欲仕身。  
余和云故人臨別最銷魂。萬里攜囊襪被身。欲折長條  
無別物。自家山裏一枝春。十餘年後陶從山右遷楚中

司馬挈招兒再過隨園則子女成行矣子時行小名佛保亦能詩聽雨云連朝三日碧苔生疎館蕭條夜氣清紅燭當筵花拂帽愛聽春雨到天明雨意云照眼花枝亞短牆曉看風雨太顛狂生憎簾捲危簷近點點飄來濺筆床佛保入泮後年二十以瘵疾亡

山東會南村尚增風貌偉然以唐常改知蕪湖常詩戲西圃云幾載柴桑爲刺史當年元亮是州民因西圃居蕪湖故也同舟訪余白下一路唱和云潮通燕子趨京口帆帶蛾眉認小姑風微漁火重生燄寺僻鐘聲半代

更昔佳句也後刺郴州署中不戒於火女以救母故與母俱焚邠人爲立孝女詞南村亦以悽卒

潛帥楊清恪公錫綬德望冠時而詩才清妙夜行云好風潛入夜明月正當頭字碧兼空濶舟輕足泳遊微涼雙袖薄小照一螢流此意憑誰識前磯有釣釣楊村云微雲不成雨片月復宵明柳外烟無際河邊尚有聲飛流綠漲急氣肅爲秋清咫尺楊村近吾宗有送迎泊北夏口云舟維涼雨後人坐晚燈初葉濕全低柳波寒不上魚攬衣嫌葛細得酒愛更餘亦有孰吟客瑤篇孰起

予夕陽云一棹秋風裏行行又夕陽飛還鴉影亂舞罷  
柳絲黃客意銜山急帆陰臥水涼何人方獨立覓句向

卷九

裴文遠公曰修與余同出蔣文恪公門下已未入都過  
阜城悅女校書采玉意殊拳拳後乞假歸觀余送行詩  
戲云阜陽女兒名采玉當筵一曲歌楊柳今日臨叩負  
笳迎可還杜牧尋春否又十年余入都補官裴典試江  
南相逢荏平道上見贈云車中遙指影翩翩忽訝相逢  
古道邊粗問行藏知大概諦觀顏色勝從前南來找愧

山濤鑑北去君旁祖述鞭後會分明仍有約歸程期在  
暮春天是夜宿旅店見余壁上有詩和其後云漫空飛  
絮攪春情十日都無一日晴水斷虹橋迷古渡雲埋雉  
堞隱孤城故人已別心猶借舊壁來看眼忽明我正聳  
肩閒覓句不勞津吏遠相迎已卯秋裴又典試江南到  
山中為余誦之

公出使伊犁襄贊軍事在黃制府行臺卽席有作云使  
相鈞衡大將旗西來賓閣喜追隨談深席上杯行數坐  
久窓間日過遲任事肩無勞卽處安邊功是已成時天

兵討叛非勤遠此意須教萬姓知又元旦試筆云年年  
梁翰揮毫手乍喜金鞭控鐵驄嗚呼以一書生而能走  
萬里贊軍機與沈文愨公以詩人而受 帝寵者皆近  
今所未有可稱吾榜中得人最多張乖崖不得搗美於  
前

盧雅雨先生轉運揚州以漁洋山人自命嘗賦紅橋修  
禊四章一時和者千餘人余俱未見而先生原唱余亦  
不甚愛誦也及其到仕留別揚州詩竟成絕調真所謂  
歡愉之詞難丁感愴之言多妙即其詞曰脫却銀黃敢

自憐不才久任受恩偏甚加孫覿餘三歲歸後歐公又  
九年大馬有情仍戀主參苓無效也憑天養病得請懸  
車曰五福誰云尚未全平山迴望更關愁標勝家家醉  
墨留十里亭臺通畫舫一年簫鼓到深秋每看絳雪迎  
朱旆轉似青山戀白頭爲報先時墓田在人生未合死  
揚州長河一曲繞柴門荒徑遙憐松菊存從此風波消  
宦海始知烟月足家園歲時社集牛歌好鄉里筵開鶴  
髮尊癡癩無多應易遂枝朝還有引年思嗚呼後公果  
將杖朝矣乃竟不得考終余弔之曰潘岳閒居竟不終

褚淵高壽真非福列子云當生而生福也當死而死福也其信然歟

余嘗年八泮人來相賀而余不知其何以賀也讀宋人李昉贈賈黃中童子云見榜不知名字貴登筵未識管絃歡方知古人措詞之切

聲音不同不但隔州郡並隔古今穀梁云吳謂善伊為稍緩淮南人呼母為社世說王丞相作吳語曰何乃高唐韻江淮以韓為何今皆無此音

偶見坊間俗韻有以真元通庚青者意頗非之及讀三

百篇爽然若失山榛隰苓十真通九青有鳥高飛亦傳

於天彼人之心於何其臻曷予靖之居以凶矜是一先

十一真十蒸俱通也楚辭鑿錫余以佳各字余曰靈均

八庚通十真也其他九歌九辨俱九青通文元無怪老

杜與其曹長詩末字韻旁通者六東坡與季長詩汁字

韻旁通者七

余祝彭尚書壽詩七虞內快用餘字意欲改之後者唐

人律詩通韻極多因而中止劉長卿登思禪寺五律東

韻也而用松字杜少陵崔氏東山草堂七律真韻也而

用芹字蘇頲出塞五律微韻也而用麾字明皇餞王陵  
巡邊長律魚韻也而用符字李義山屬對最工而押韻  
頗寬如東冬蕭肴之類律詩中竟時時通用唐人不以  
為嫌也

沈總憲近思在都無眷屬項霜泉嘲之云三閭無佛殿  
一个有千僧曾觀察之裕性粗豪而屋小署門曰兩間  
東倒西歪屋一個南腔北調人薛徵士雪善醫而性傲  
署門曰且喜無人為狗監不妨喚我作牛醫

同年成衛宗室南安小婢春桂於後園獲石印文曰忠

孝傳家成題云孔龜張鵲難重觀此石摩挲亦頗宜愧  
我平生期許在儘教世守作良規余宰江寧時聘史君  
涓為記室成識之於署中後為臺灣司馬史館馮觀察  
家相見甚懽秩滿將西渡留別史云卅年舊雨各西東  
忽漫相逢大海中自是壯懷同作客不堪衰髮已成翁  
世情轉燭貧交久物態浮雲老眼空他日故園應聚首  
一樽相對話松風

寇萊公夢中詩云渡海只十里過山已萬重後貶雷州  
渡海方悟前詩成識范文正公咏月云已知千里共猶



訝一分虧後終於叅知政事

姑母嫁沈氏年三十而寡守志母家余幼時卽蒙撫養  
凡浣衣盥面事皆依賴於姑姑通文史余請盤庚大誥  
苦聲牙姑爲同讀以助其聲嘗論古人不喜郭巨有詩  
責之云孝子虛傳郭巨名承歡不辨重和輕無端枉殺  
嬌兒命有食徒傷老母情伯道沈宗因縛樹樂羊罷相  
爲營葬忍心自古遭嚴譴天賜黃金事不平余集中有  
郭巨埋兒論年十四時所作秉姑訓也

江西帥蘭阜先生名念祖督學浙江一時名宿都入網

羅半皆蘇耕餘廣文爲之先咨蘇故癸巳進士長於月  
旦吾鄉名士多出其門惟余年幼未往帥公來時余年  
十九考古學賦秋水云映河漢而萬象皆虛望遠山而  
寒烟不起公加歎賞又問國馬公馬何解余對云出自  
國語註自韋昭至作何解救實不知繳裕時公閱之曰  
汝輕年能知二馬出處足矣何必再解說乎曰國馬公  
馬之外尙有父馬汝知之乎曰出史記平準書曰汝能  
對乎曰可對母牛出易經說卦傳公大喜拔置高等蘇  
先生聞之招往矜寵以不早識面爲恨先輩之愛才如

此後帥公爲陝西布政使竄死臺上余賦吾古哭之未  
四句曰青蠅宦海飛白骨沙場拋何當抱孤琴塞外將  
魂招

詩有正喻夾寫似是而非之語最妙王介祉咏鐵馬云  
依人簷宇下底作不平鳴香亭阻風云想通天上銀河  
易力挽人間風氣難周之桂咏秋暑云傍晚燈偏光醖  
大罷官人更熱中多董曲江太史過十八灘云漫誇利  
涉乘風便始信中流立脚難周詩成時適有罷官者會  
酷暑入都讀者愈覺其佳

余少時氣盛跳盪爲吾鄉名宿所排惟柴秀才名致遠  
號耕南者一見傾心乙卯春柴讀書孤山余寄札云秋  
將至矣頗欲掩帷春實佳哉未能端坐餘數行泛論友  
朋柴答云赤燁未來青春可愛足下端坐未能僕且懶  
索香熏矣來書惓惓人物此間俗子如春萍何從覓佳  
客昨無聊閒步登孤山之巔折梅誰贈可憐可憐某某  
輩僕不能定其爲人鄙意以仲翔針芥之言求知己以  
君子全交之道待泛交如是而已晴日早來當以此論  
質之逋老余愛其措詞雋雅有谷子雲筆札之妙藏篋

中五十餘年耕南夜遊孤山有句云月行疑踏水花坐  
當熏衣後客死廣西已亥年余至其家夫人出見白髮  
蕭然有陸魯望重過張處士故居光景

丙辰春余欲西行苦無路資適耕南之兄東升就館高  
安挈余同至署中贈金一笏裁得裹糧至粵一路舟中  
聯句過鄱陽湖野有樹大可蔽牛已朽折委地矣旁一  
小枝穿根而出高十丈餘相傳明太祖與陳友諒戰時  
此樹代受砲故封爲將軍至今尙有燒灼痕柴首唱云  
大樹兵火餘枯根尙委地余續云曾抱紀信忠一死代

漢帝柴云輪困根盤存焦枯枝葉葉余云叢叢莓苔痕  
鬱鬱霜露氣柴云祖榦扶桑傾孫枝小龍繼余續云穿  
出盤古墳猶作擎雲臂東升歎曰二語險絕可不必續  
成矣彼此一笑而罷東升贈余五古僅記二句云浩氣  
盤九疑晴襟豁萬谷嗚呼當日無柴君則余何由得見  
金公又何由得從粵西至都下哉後戊戌年余往杭州  
訪柴鄰人云全家都在廣東東升亡後未曾歸葬余哭  
以詩載集中

余弱冠時與王復旦卿華爲至交其交星望公官御史

丙辰春余從廣西入都卿華舉浙江鄉試漏盡作家信  
報其尊人猶再三道余不置已而同到京師彼此失意  
往來更密其大父子堅先生亦以國士相待次年八月  
卿華歸娶同騎馬至彰義門外兩人泣別戊午秋星望  
公病篤猶讀余閣墨許爲第一初十日榜發余獲雋而  
先生卽於是日委化余感生平知己之恩往視含殮顏  
色慘悽其戚唐某疑余落第再三道屈坐客無不掩口  
而笑卿華贈余改官云朝士盡將韓愈惜都人爭作李  
邕看又數年聞其再落第繼死長安余哭以七古一章

載集中已亥春余歸杭州訪其墓則四至珽道被勢家  
侵佔爲告之官而斷還其後人

余六十三歲方生阿遲時家弟春圃觀察在蘇州勾當  
公事接江寧方伯陶公飛檄文書意頗驚駭折之但有  
紅牋十字云令兄隨園先生已得子矣常州趙映川舍  
人詩云佳問有人馳驛報賀詩經月把杯聽

余弱冠在都卽聞吳江布衣徐靈胎有權奇倜儻之名  
終不得一見庚寅七月患臂痛乃買舟訪之一見懽然  
年將八十矣猶談論生風留余小飲贈以良藥門鄰太

湖七十二峯招之可到有佳句云一生那有真閒日百  
歲仍多未了緣自題墓門云滿山靈草仙人藥一徑松  
風處土墳靈胎有戒賭戒酒勸世道情語雖俚恰有意  
義刺時文云讀書人最不齊爛時文爛如泥國家本爲  
求才計誰知道變做了欺人技三句承題兩句破題擺  
尾搖頭便道是聖門高弟可知道三通四史是何等文  
章漢祖唐宗是那一朝皇帝案頭放高頭講章店裏買  
新科利器讀得來肩背高低口角噓唏甘蔗渣兒嚼了  
又嚼有何滋味孤負光陰日白昏迷一世就教他騙得

高官也是百姓朝廷的晦氣

唐當治平時或咏所見曰可惜數枝紅艷好不知今夜  
落誰家及世亂矣或咏所見曰無窮紅艷烟塵裏驟馬  
分香散入營

廣東稱妓爲老舉人不知其義問土人亦無知者偶閱  
唐人北里志方知唐人以老妓爲都知分管諸姬使召  
見諸客一席四饌燭上加倍新郎君更加倍焉有鄭舉  
舉者爲都知狀元孫偃頗惑之盧嗣業贈詩云未識都  
知面先輸劇罰錢廣東至今有老舉之名殆從此始

老

謝深甫云詩之爲道標舉性靈發舒懷抱使人易於吟  
代此言是也然如杜審言臨終謂宋之問曰不見替人  
久歷公等袁嘏自稱已所作詩須以大材進之不爾飛  
去言雖夸尙有風趣漢桓帝時馬子侯自謂知音彈陌  
上桑左右盡笑而子侯猶搖頭自得則蚩獐太過矣今  
之未借競病而討狂欲上天者母乃類是

孫興公說高輔佐如白地光明錦裁爲負版袴雖邊幅  
頗濶而全乏剪裁宋詩話云郭功甫如二十四味大排  
筵席非不華侈而求其適口者少矣一以衣喻文一以  
食喻詩作者俱當錄之座右

淮南程氏雖業禹莢甚富而前後有四詩人一風衣各  
嗣立一夔州各峯一午橋各夢星一魚門各晉芳四人  
俱與余交而風衣夔州求其詩不得魚門雖呼午橋爲  
伯父意頗輕之余曰午橋先生古風力弱近體風華不  
可沒也如看花不果云蠶屨也思新草色病醒偏負曉  
鶯聲贈僧云樓前常設留賓榻岩下多栽獻佛花桐廬  
云百里烟深因近水一年秋早爲多山皆佳句也

齊武帝于興光樓上施青漆謂之青樓是青樓乃帝王

之居故曹植詩青樓臨大路駱賓王詩大道青樓十二  
重言其華也今以妓為青樓誤矣梁劉邈詩曰倡女不  
勝愁結束下青樓始稱妓居之始

小雅惟桑與梓必恭敬止考上下文並無鄉里之說張  
衡南都賦永世克孝懷桑梓焉真人南巡觀舊里焉後  
人因之遂以桑梓為鄉里

宋潛溪曰人皆云陶淵明不肯用劉宋年號故編詩但  
書甲子此悞也陶詩中凡十題甲子皆是晉未亡時最  
後丙辰安帝何存瑯琊王未立安得棄晉家年號乎其

自題甲子者猶之今人編年纂詩初無意見

黃魯直詩月黑虎夔藩用少陵課伐木詩序云有虎知  
禁必昏黑撞突夔人屋壁夔者夔州人也魯直以夔字  
當窺字解為益公題跋所識

郭注爾雅闕逢攝提格未詳司馬貞索隱以爾雅為近  
今所作所記年名不符古鐘鼎從未有以闕逢攝提紀  
年者鄭夾漈曰今人編年好用爾雅名甲為闕逢乙為  
旃蒙是以一元大武為牛也夫隱語為晉井逃難之言  
豈可施於簡編乎顧寧人有古人不以甲子紀歲之說

又云古人不以王父字爲字按通志歷舉春秋時以王  
父字爲字者八十餘條顧最博雅竟不曾見過通志何  
耶

吳冠山先生言散體文如圍棋易學而難工駢體文如  
象棋難學而易工余謂古詩如象棋近體如圍棋

何南園咏野菊云絕無人處偏逢我不寄籬邊獨羨君  
寫野字妙李琴夫咏瓶菊云未許圍林終晚節不妨風  
雨判重陽寫瓶字妙李又有風定雨絲直五字亦佳

魚門太史云古文有可讀者有可觀者余謂詩亦然有

可讀者有可觀者可觀易可讀難

鮑雅堂之妹詩人步江女也名季奴工吟詩金棕亭贈

云續史正堪兄作伴工吟恰好父爲師

已卯冬余在揚州見門生劉伊有遊平山詩册作者十  
餘人俱押卮韻余獨賞如臯顧秀才駒清響忽傳樓外  
笛嚴寒爭避手中卮之句後官湖北歸卜築於如臯百  
步余過其居主人感二十年前知己欣然款接宴飲水  
意出新詩相示西湖云白沙堤外盪舟行烟雨空濛畫  
不成忽見斜陽照西嶺半峯陰間半峯晴花塢斜蓮花



港遙夾堤水色淡輕綃外湖艇子裏湖去穿過湖西十  
二橋虎邱云片石尚留金虎迹千花都是玉人魂

余過如臯訪冒辟疆水繪園荒草廢池一無陳迹惟敗  
壁上有斷句云月因戀客常行緩風為吹花不忍狂劉

霞裳有句云一片亂紅吹滿地看來最忍是東風正與  
此意相反

杭州何春巢年少耳聾而風情獨絕有秦淮竹枝云猩  
紅一點着櫻唇淡抹春少黛色勻壓鸚鵡素馨二百朶風

來香撲隔河人遠近聽來笑語聲板橋西畔泛舟行尋  
常一柄芭蕉扇搖動春葱便有情蘭橈最是晚來多萬

點紅燈映碧波我已三更鴛夢醒猶聞簾外有笙歌夕  
陽兩岸畫樓臺紅藕香中一棹回別有芳心卿不解扁

舟豈為納涼來  
吾鄉王百朋先生過李白廟云氣吞高力士眼識郭汾

陽只此十字可以概太白生平

郭明府起元字復堂閩中孝廉受業於蔡闈之宗伯蔡  
為理學名儒而郭以任俠聞蔡有家難郭為証佐至受

官刑交臂歷指口無二辭後宰盱眙與余同官有客中

陔餘叢考 卷二十一  
秋思一絕云銷魂何處盼仙槎客鬢逢秋白更加遙指  
斷橋垂柳岸前年曾宿那人家贈方南堂云一瓢自句  
輕于乘三徑還堪抵十洲比舍云薰衣香出紅窻外  
草聲闌綠樹邊其母夫人陳玉瑛自稱左芬侍史佳句  
云欲別難爲別吞聲古渡頭妾心如此水相送下渝州  
劉梅菴有句云石交惟舊碗火伴是寒爐陳古漁弔六  
朝松云劇憐兒輩不及見真似古人難再生俱有東坡  
風味

霞裳與其父役于慈湖舟覆江中時當臘月兩人賴衣  
裹故浮水不沉有救船至父曰我老矣速救我兒兒曰  
不救吾父我不受救父子推讓適又有船來遂得兩全  
陶京山明府贈以詩曰本是龍門客龍宮今到來孝慈  
應默佑風浪不爲災其孫煥悅亦贈云從今吸盡西江  
水吐屬文章更不同

程魚門覆舟詩原稿寫眼前驚悸情景最真後改本有  
意修飾轉不如前今特錄其原作云揚州西去一宵程  
小艇無端夜忽傾制命不煩滄海濶潔身先試暮流清  
詩書失後無餘本戚友來時話再生莫嘆遭逢曆錫重

世間風浪幾曾平。客舟猛疾勢如風。南北相持力不同。  
絕叫已驚身在水。舉頭猶見月如弓。慈航倏至關天幸。  
隻履飄然悟大空。時失去攬芷寒裳平白願。險隨騷魄  
葬珠宮。余賦詩調之云。水經疏河渠考。此後輪君閱  
歷深。

善寫風水之險者。吾鄉糧道程公光鉅。有華陽行云。滔  
滔汨汨長江水。扁舟一葉天涯子。船頭船尾自浪高。片  
雲黑處狂風起。舟子喧呼語未終。布帆半曳浪澆篷。桅  
竿百尺橫斜立。欲卧不卧奔濤中。濤湧如山高莫比。青

山頭落江心裏。一傾一仄強撐風。欲上船舷見船底。小  
兒無知向母啼。大兒解事欲登堤。面面相看心胆折。男  
號女哭一齊歇。翻身掙立喚鄰舟。鄰舟早向潮頭沒。須  
臾岸回風勢順。回首驚魂纔一瞬。電掣雷轟萬馬驅。舉  
頭已到華陽鎮。華陽已到驚未平。老妻尙有念佛聲。  
金陵張秀才培饒。有風貌。正月間與畫師鄒若泉來。余  
心識之。亡何又與常君得祿來。余轉問可認張某乎。已  
而知卽前人。自慚老眼之昏。乃誦劉悔菴詩曰。閒行那  
可忘。攜杖欲揖還愁錯認人。

杭州孫秀才傳曾與余三世通家詩才清逸春朝云鶯啼迫曉霽蝶夢怯花寒上巳云人臨曲水偏愁雨天惜桃花忽放晴。

近人起句之妙者新安張節夜坐云雨霽月忽滿墻陰樹影搖陳月泉舟中云獨起對江月滿船聞睡聲某春早云不待清明近鶯花已自忙三起俱起結句之妙者月中無事立草上一螢飛殷勤語江嶺歸夢莫相妨遠山深樹裏鐘斷有餘聲二結俱超惜忘題目及作者姓名

丁未余遊武夷夜泊江山開鄰舟有客說鬼口杭音余喜語怪乃揖而進之其人姓陸名夢熊字肇若乃吾鄉詩人也別後蒙寄晚香堂詩二十餘卷曉起見雪云夜靜無風冷莫支檐前凍雀早應知關心喜見頭番雪掃徑先扶竹樹枝紅友有情還愛我綠梅無夢亦相思斷橋久廢衝泥屐欲踏瓊瑤訪莫遲鵝湖寺云地寒花木放僧僕語無多皆妙

讀詩不讀史便不知作者事何所指李壽長編載宋真宗爲李沆還債三十萬故宋人詩云新祠民祭祀舊債

帝償還唐書載王毛仲奏明皇願得宋璟為客帝許之  
故徐騎省贈陳侍郎花燭云坐客亦從天子賜更壽須  
為主人留

高文端公之父嵩瞻都統贈弟斌云與君一世為兄弟  
今日相逢第二場想見勳貴家國爾忘家之義有積翠  
軒詩集文端公屬余為註釋編上下兩卷

雅謔自佳或以詩示仲小海仲曰詩佳矣可惜太甜其  
人愕然問故曰有唐氣焉得不甜蔡正衫好自稱蔡子  
以詩示汪用敷注曰打油詩也蔡怒曰此文選正體何

名打油曰蔡子不打油何物打油

前朝說部有俚語可存者如曉學仙者云服藥求長生  
莫如孤竹子一食西山薇萬占長不死戒谿刻者云侍  
門如鼠穴也須留一个若皆堵塞之好處都穿破刺暴  
貴者咏鴟吻云而今擡在青雲上忘却當年窰內時嘲  
官昏者咏傘云常時撐向馬前去真个有天没日頭刺  
好譖人者咏蟬云莫倚高枝縱繁響也應回首顧螿螂  
刺代人刻友者咏金云黃金自有雙南貴莫與遊人作  
彈丸

元人弟脫脫丞相云百千萬貫猶嫌少堆積黃金北斗  
邊可惜太師無脚費不能搬運到黃泉

楊子載漫興云客中迷過魯遊境夢裏常逢未見書郭  
磨秀才見贈云圓疑曩昔曾窺處人似生平未見書

耿上舍湘門題素齋舫壁云背郭臨河靜不譁一軒深  
棠抵山家茶烟出戶常蒙樹泄水過籬欲漂花小睡手  
中書半墜半酬窗下字微斜叢蘭不合留香久勾引遊  
蜂入幕紗

海寧陳心田寅與諸友以禁體咏梅云已看無不憶未

見必先探汪秋白云一枝懷故宅幾度憶前生陳谷湖  
云交枝香不斷一白樹難分顧竹坡咏綠梅云窺春自  
怯荷衣薄倚竹誰憐翠袖寒俱妙又有梅花宜稱請咏  
夕陽云殘香漠漠山家賸猶作宮人半額黃疎籬云有  
客來探門未破先從鹿眼認瓊枝微雪云料峭寒邊天  
半黃霏烟漠漠集池塘是梅是雪兩三點飛絮因風想  
謝娘枰下云花底消閒對奕時稜稜石角擁寒枝微風  
吹墮兩三朵絕似山人落子時

戊寅二月過僧寺見壁上小幅詩云花下人歸喧女兒

老妻買酒索題詩爲言昨日花纔放又比去年多幾枝  
夜裏香光如更好曉來風雨可能支巾車歸若先三日  
飽看還從欲吐時是但書與內子看牡丹不書各姓  
或笑其淺率余曰一片性靈恐是名手乃錄藁問人無  
知者後二年王孟亭太守來看牡丹談及此詩方知是  
爾初送老顧與治所作余自負賞識之不悞玉因云國  
初前輩不登仕途與老妻相對往往有此清妙之作因  
誦吳野人壽內云潦倒邱園二十秋親炊葵菹慰余愁  
絕無暇日臨青鏡頻過荒年到白頭海氣荒涼門有燕

溪光搖蕩屋如舟不能沽酒持相祝依舊歸來向爾謀  
覺風趣更出顧詩之上

尹文端公曰言者心之聲也古今來未有心不善而詩  
能佳者三百篇大半賢人君子之作溯自西漢蘇李五  
言下至魏晉六朝唐宋元明所謂大家名家者不一而  
足何一非有心胸有性情之君子哉卽其尤稍涉詭激  
亦不過不矜細行自損名位而已從未有陰賊險狠妨  
民病國之人至若唐之蘇渙作賊劉又攬金羅虬殺妓  
須知此種無賴詩本不佳不過附他人以傳耳聖人教

入學詩其效可觀矣余笑問曹操何如公曰使操生治世原是能臣觀其祭喬太尉贖文姬頗有性情宜其詩之佳也

余以雍正丁未年入泮今又丁未矣戲傲重赴鹿鳴故事作重赴泮宮詩云記得垂髫泮水遊一時佳話遍杭州青衿乍著心雖喜紅粉爭看臉尙羞夢裏榮華如頃刻人間花甲已重周諧公可當同年看看採芹香插白頭杭州同入學者只錢瓊沙方伯一人和二歲歲費門文運開劉郎老去又重來壺中日轉前丁未册上名存

舊秀才兩領青衫直法物一頭白髮笑于鬚平生幾枕邯鄲夢屈指黃梁第一回此外和者百餘人如毛侯園廣文云久於館閣推前輩又向宮牆領後生梅衷源云錦袍笑赴青衿會似把靈光照泮宮盧元珩云子衿一賦年周甲聖闕重來歲又丁

余不喜時文而平生頗得其力壬寅遊天台渡錢塘江到客店無舟可僱過查廣文耕經有赴任船用名紙借之欣然來見日向讀先生文登第讓船所以報也余贈詩云一隻孝廉肯讓期君還作後來人到新昌邑令



蘇公曜素不相識遣車遠迎供張甚飾余駭然詢其故  
如查所語余贈詩云羈旅忽逢傾蓋客文章會是受知  
人蘇宣化孝廉作官有惠政解餉入都後任反其所爲  
民苦之余到時適蘇回任邑人爭迎上匾云還我使君  
對聯云三春花雨重攜鶴百里笙歌早入雲不料新昌  
僻縣竟有文人頌揚甚雅

余過處州想遊仙都峯以路遠中止出縣城到黃碧塘  
將止宿矣望前村瓦屋翠如隨緩步焉與主人虞姓者  
畧通數語卽還寓將弛衣眠聞戶外人聲嗷嗷詢之則

虞氏見余名紙兄弟六七人來問先生可卽袁太史耶  
曰然乃手燭上下照詫曰我輩讀太史稿以爲國初人  
今年僅花甲是古人復生矣豈容遽去願作地主陪遊  
仙都于是少者解帳長者捲席諸奴肩行李相與見至  
其家余留詩謝云我是漁郎無介紹公然三夜宿桃源  
遊仙之夢斑竹最佳離天台五十里四面高山亂灘青  
樓二十餘家壓山而建中多女郎簪山花浣衣溪口坐  
溪石上與語了無驚猜亦不作態楚楚可人釵釧之色  
耀入烟雲雅有仙意霞裳悅蕩校書爲留一宿次日天

未明披衣而至云被四面灘聲驚醒余賦詩云茅屋背  
山起山峯枕上看飯香人弛擔夢醒客聞澗花野得真  
意竹多生暮寒青溪蔣家妹歡喜過劉安

溫州雖多佳麗而言語不通有織藤盤者甚明媚彼此  
寒暄了不通曉余戲贈云安得巫山置重譯替郎通夢  
到陽臺

溫州風俗新婚有坐筵之禮余久聞其說壬寅四月到  
永嘉次日有王氏娶婦余往觀焉新婦前面坐旁設四  
席珠翠照耀分已嫁未嫁爲東西班重門洞開雖素不

識面者聽入平視了無嫌清心羨其美則直前獻酒女  
亦答禮飲畢回敬來客其時向西坐第三位者貌最佳  
余不能飲不敢前霞裳欣然揖而酌焉女起立俠拜飲  
畢斟酒回敬霞裳一時忘却將酒自飲搗相呼曰此敬  
客酒也女大慚媿然而笑卽手授霞裳霞裳得沾美人  
餘瀝以爲榮大抵所延皆鄉城粲者不美不請請亦不  
肯來也太守鄭公以爲非禮將出示禁之余曰禮從宜  
事從俗此亦亡於禮者之禮也乃賦竹枝詞六章有句  
云不是月宮無思限孀娥原許萬人看太守笑曰且留

此陋俗作先生詩料可也詩載集中

雁宕觀音洞最高殿可容千人石坡共三百七十七級  
余嘗勇登焉相傳嘉靖三十年按察使劉允升偕二友  
成仙於此塑像甚美余低徊久之下坡留戀口號云垂  
老出仙洞一步一躊躇自知去路有斷然來時無

余遊覽久得人佳句必手錄之過安慶見司獄許健菴  
扇上自題云權交薄俸初成閣自愛閒曹好種花到黃  
公遞香花村見陳省齋太守有對云至今村饒黃公酒  
依舊花開杜牧詩廬山開先寺見程巨山有對云樹裏

斗水木靈影山中雲氣不分層小姑山有俞楚江對句  
云入寺恍疑雨終宵只覺寒

羅浮只華首臺五龍潭數處景尚幽渺其餘如梅花村  
冲虛觀平衍散漫頗無足觀不知何以洞天福地負此  
盛名節相李侍堯勒石云黃土卧黑石此外一無有只  
可一回來不堪再回首

遊武夷路過蘇嶺見關廟中公卿題句甚多莊培因太  
史云竹林初過雨僧寺乍生涼朱石君侍郎已步過云  
山僧談舊雨使者閱流星癸卯再過云字跡驚分雁參

居竟隔屋蓋第一次與其兄竹君作學使交代第二次  
傷竹君之已亡也泰大士學士題云幽境愛耽禪悅永  
老僧閱盡使星忙

武夷勝處以第七曲天遊一覽亭爲最寺中揭煉師字  
子文者頗能詩留宿一宵誦其自壽云病能自藥容身  
健道不人談免俗談庭柱有對云世間有石皆奴僕天  
下無山可弟兄未畧毛大周題

四月廿二夕微醺看過

真味尤深述竺氏記

隨園詩話卷十三

倉山居士

李穆堂侍郎云凡拾人遺編斷句而代爲存之者比蕪  
暴露之白骨哺路棄之嬰兒功德更大何言之沉痛也  
余不能仿韋莊上表追贈詩人十九人乃錄近人中其  
有才未遇者詩號幽光集以待付梓採取未畢姑先摘  
數首及佳句存詩話中歸安姚汝全字念慈初各世錄  
性落拓冠履欹斜有南朝張融風味謝吳眉菴少司馬  
薦鴻博啟云十年老女猶畫蛾眉百戰將軍空爭猿臂

一時傳其工整題李將軍夜逢醉尉圖云隴西將軍雄  
且武猿臂間來聊射虎良宵與客飲田間飲罷歸遭亭  
尉侮將軍醉矣尉未醒宿之亭下良復苦羸馬單車野  
次借昏燈澹月殘更吐是時將軍正失官意豈須臾忘  
滅虜暫屈龍沙熊豹姿試聽鶯娥蝦蟇鼓畫師摹寫如  
目睹面帶微酣色微怒古者門官各有司彼候人兮實  
主之夜行必禁犯必罰由來啟閉惟其時今將軍尚不  
得爾斯言良是非醉詞儻師文帝辨細柳此尉應得蒙  
恩知或如丙相怨酒失異日可藉聞邊機請俱一巨快  
私忿將軍之量宜偏裨看劍云齊金楚鐵擅名高碧血  
模糊舊戰袍不躍不鳴兼不化問渠何處異銘刀念慈  
受知于鄂文端公公卒念慈哭云未報公恩徒一慟自  
憐此淚亦千秋在山左時有訛傳其死者後入都諸桐  
嶼太史贈詩云學道終朝銀闕去入都快比玉門還念  
慈答云欠來一事能逃否聞到同心自愕然  
金陵劉春池名芳織造府計吏也不戒於火將龍衣貢  
物俱付焚如賸累後既貧且老而詩興不衰如貧難好  
客如當日老覺逢人羨少年三間屋僅栖兒女一領裘

還共祖孫。從古詩惟天籟好。萬般事讓少年爲。皆佳句也。其憶牛野園舊居云。半野園堪遂隱淪。山爲屏障水爲隣。林亭已入天然畫。休息難終老去身。喬木昔曾經我種。好花今復爲誰春。傷心最是重來燕。不見堂前舊主人。弔香櫞樹云。自別園林甫二旬。忽枯此樹是何因。伊如義不迎新主。我獨悲同哭故人。物與情通原有感。木經歲久豈無神。尚須留取根株在。猶望仍回舊日春。劉以欠帑入獄。予向尹文端公誦其詩。尹驚其才。卽命寬限。一時傳爲佳話。其子會字悔菴。亦好吟詩。不省家

事。人目爲痴。然得一二句。便寫示余。歲晏云。簷以低常煖。裘因敝轉輕。見贈云。新稿只呈蕭穎士。長裾不謁鄭當時。嗚呼胸襟如此。何得目爲痴哉。

春池尚有佳句云。道在已時。惟自適。事求人處。總難憑。衰齡轉作無家客。多壽還須有福人。異地幾忘身是客。禪門今已熟于家。

春池富時有窮習。倚以生活後竟負之。故咏落葉云。積怨堆愁委地深。西風衰草亂蟲吟。此時狼籍無人問。誰記窓前借綠陰。雨中海棠云。黑雲若得明朝霽。紅雪猶

問

餘未放枝我獨笑花花笑我今年俱未得逢時此雖做  
羅隱贈妓詩諒而運用恰新

烏程凌雲字香坪少有吳門紀事詩極酒場花經之樂  
晚年就館李參戎家鬱鬱不得志而卒胥門感舊云金  
閨曾度五清明選勝携朋取次行楊柳堤邊調細馬杏  
花村裏聽嬌鶯春風久負青山約舊雨難尋白鷺盟今  
日胥江重艤棹斜陽芳草不勝情過分水龍王廟云汶  
河西注水汪洋南北中分界兩行從此空彈遊子淚隨  
波流不到家鄉他如雨積山多瀑烟收樹滿村魚跳驚

燭影雞唱亂琴音俱有風味

表弟章獲齋秀才名袁梓性迂碎有潔癖好神仙吐納  
之術自謂可長生而卒不驗睢陽客興云幾度飄蓬動  
客嗟况逢遲日感韶華塔前杖響誰看竹月下烟飛自  
煮茶遊騎踏殘露草幽禽含過隔墻花尋芳孺子知  
時節也着新衣到酒家對雪云素光燦爛映簷盈未許  
踈狂嘆獨清隔夜江山都改色連朝猿鳥並無聲風飄  
墮瓦寒冰響鼠滅殘燈外戶明畫帳香茵初睡起舉頭  
錯認是天晴其他佳句云有梅人坐靜踏雪鶴行徐風

枝挑瓦墮石笋引藤纏宵柝暗驚孤客夢寒雞時作故  
鄉聲蜂能負子應知老燕屢升堂若賀貧花香夾路人  
歸緩水影搖天月上遲投杖驚逃穿屋鼠圍棋引進過  
門人俱妙

高文照字東井少年詔秀巖巖自立父植宰德化有賢  
聲所得俸盡爲東井買書年未二十詩已千首目空一  
世于前輩中所心折者隨園與心餘而已舉甲午鄉試  
後卒于京師詩稿不知流落何處見贈云萬壑千峯爨  
一門仙家住老百花村重開朱戶樓臺出未改青山面

目存執手各探新得句驚心難定舊離魂憐才誰似先  
生切替拭襟前積淚痕宏獎何人得到斯文章風義一  
身持眼無後起偏憐我座有先生敢論詩轉柁風看收  
柁候在山泉話出山時才名官職誰多少未要區區世  
上知此身幾肯受人憐低首爲公拜榻前不朽文章傳  
郭泰得謂絲竹許彭宣女嬃詈予申申曰鄧禹唾人寂  
寂年想到平生知己報商量只有祖生鞭其他佳句如  
過衢州云水回雙碓落灘急一篙爭壽山菴云一磬隔  
花出片幡當殿陰送人云且將一點思鄉淚洒向君衣



好寄歸贈方子雲云門外市聲三日雨簾前風色一床  
書過阮懷寧故宅云烏語尙疑偷法曲池波無復照明  
粧

崑山徐柱臣字題客健菴尚書之孫余親家也飲外舅  
張氏青山莊云東風報花信春色來南枝較權風漸細  
到門香已知綠野占勝迹青山似昔時登樓俯林杪雪  
影何離離舟中晚眺云天垂餘靄橫船在鏡中行拍手  
沙禽起迴頭明月生向南寒氣滅入夜酒懷清不有蘭  
陵讓銜孟空復情題客性耽詞曲晚年落魄揚州爲洪

氏司音樂以終

徐緒字微園蘇州人貌短小爲李守備燭記室終日以  
酒一壺杜詩一卷自娛此外不知有人間事余題其小  
像云吳市布衣大杜陵詩骨尊卒貧死詩稿散失余錄  
其兩阻胥江云擊折巖城閉相依再宿舟一天惟是雨  
六月竟如秋漸覺江湖滿能無稼穡憂萍踪憐乞食華  
髮早盈頭移居云剝啄衡門啟時過話老農却欣環泮  
水不厭托萍蹤對酒東隣樹催詩南寺鐘隔城山色好

適園詩話

卷十三

六

落日見芙蓉歸舟至盤溪云漂泊仍長缺歸來買釣艇  
順流風勢緩近岸雨聲多小鳥衝烟起低橋撥棹過家  
人應識我篷底遠聞歌益菊云束瓦爲花益無須金屋  
藏帶霜移牖下就日列堦旁種細開尤晚名多記輒忘  
到殘應匝月不限舉壺觴寒檐云寒檐短景如風馳迢  
迢長夜占八時弱女刺繡補不足一燈豆大燃殘脂呼  
兒劇論千古事老妻來聒明朝炊掩耳疾走且相避隔  
屋吾弟能吟詩不圖轉落乃嫂笑小郎亦有兒啼飢西  
隣哭云夜聞西鄰哭哭聲一何悲云是母哭兒聲聲哭

入老夫耳老夫亦有丈夫子同日辭家分路死死弗及  
見哭憑棺三月到今淚未乾傷心有口那能言君不見  
烏生八九子一一飛上青林端新竹云森森碧玉已成  
行一雨長梢盡過墻微露粉痕初解籜疑君已帶九秋

霜

杭州仲蘊繁字燭亭與余同庚雍正癸丑兩人初學爲  
詩彼此吟成便携袖中冒雨欣賞後余官白下而燭亭  
亦就幕江南常得把晤歲辛卯相見蘇州怪其消瘦不  
類平時壯健然意致尙豪猶令小妻出拜尙無子亡何

計至記其長至日飲隨園云老大空憐役庫車清樽小  
語過精廬二千里容易中酒半百外人無熟書斷雁貼  
雲寒雨後歸鴉擁樹晚晴初今朝畫軒西醉覓句差  
貪一線餘莫愁湖云晴波嫩柳舊歌臺一眺愁心畧小  
湖湖影淡拖山色去春煙冷送夕陽來遊絲不縮金跳  
脫水調空沉阿濫堆誰更風流問徐九錯魂無那索茶  
盃郊行云雨霽郊圻笑語譁裙腰碧過四娘家遊思解  
渴問荒店春尙慰人留病花遠寺鐘隨遲日度隔江山  
挾晚青斜零星滿地榆錢好賤買村醪敵歲華他如月  
於低處作湖色山漸暝時生水烟皆瘦硬自喜

余甲子分校南闈題樂則韶舞有一卷云一人奏璫而  
八伯歌風愛其文有賦心薦而未售出榜後遇外監試  
商寶意先生曰我收卷見一文絕麗問之乃吳梅村先  
生孫也我告之曰此文若遇袁太史必能賞識因誦此  
二句予告以果力薦矣彼此大喜覺論文有心心相印  
之奇未幾吳到沐來謁貌如美女年才弱冠益器重之  
癸酉余從秦中歸隨園而吳已中經魁來見則嘔血失  
音非復曩時玉貌予心憂之赴都會試竟死場中年二

十七其時同薦者有松江廩生陳邁晴亦奇才也場後  
賦百韻詩來謁惜未存其稿先吳卒吳在席上題盆中  
飛白竹云渭水清風譜流傳有別支出藍誇逸品飛白  
擅奇姿各以中郎重根從子敬移森然一筆起駸若八  
分披捲葉輕子穀抽枝弱比絲映花風獨轉拂草露俱  
垂細細分龍節輕輕洗玉肌生來鳳尾貴不相雀頭痴  
影落屏風小香傳葉几遲恰添承首石同上伯英池草  
室居何媿登床賞自奇地依蕭寺好在晚晴宜擢彼  
東南秀珍逾十二時品題無與可篤好有藝之北館承  
家學南宮得畫師綠窻窺窈窕紅燭照參差蘭墨傳新  
樣魚箋寫折枝好將端獻筆追取順陵碑吳諱維鶚太  
倉人佳句尙多僅錄其吉光片羽者不料其卽赴玉樓  
也陳生五策博引羣書兩主試愕然不知來歷余爾時  
年少氣盛語侵主司以故愈不得售亦其命運使然耶  
有哀兩生詩存集中

常熟王陸禔字介祉瘦長骨立兩眸熒然家貧母老又  
遭馮敬通之厄谷死長沙年三十二其詩清麗蘇臺紀  
事序云僕木恨人尤希好事趁蘭膏之餘餼述花月之

新聞則有參佐名流宏農妙裔王昌居處迹近金堂韓  
 壽來時香通青瑣墻頭一笑秋風客鑽穴相窺枕畔五  
 更夜度娘鑿坏而遁不須青鳥為約佳期何必元駒始  
 諧歡夢手提金縷踰沓昌以聲希懷落鈿釵胥流蘇而  
 影亂輕攏屈戌潛由顧愷之厨反合倉琅永匿梁清之  
 洞遂致空閨大索徒勞阿母闔門鄰壁旁求共訝彼姝  
 屢闔倘屬無妻之牧犢或易牽絲偏為有婿之羅敷難  
 收覆水霧生三里葉不翳蟬風挂一帆花終戀蝶可憐  
 月姊隨蟬魄以俱奔詐耐冰人賦鼠牙而作訟謀成秘

計大都鸚鵡之禪下得官符不是鴛鴦之牒悵三生分  
 永別未消圓澤之煙縱九死以無辭難覓茅山之藥是  
 則煉媧皇之石莫補離天彎后羿之弓長仇怨日者矣  
 嗚呼人生行樂難禁贈芍遺椒我輩鍾情未免焚芝軟  
 蕙編哀弦于舊軫儂亦情狂戒覆轍于前車卿休放誕  
 不逢白傅誰裁長恨之歌為語數文我作會真之記詩  
 去東風如夢春如畫蘿蔓須扶薇待架黃雀飛飛鏡檻  
 邊班騅得得樓欄下綠楊門巷是兒家青粉墻高隔亂  
 鴉惜艷羞窺留影鏡就閒懶逐鬪風車柔懷瓜瓜憐幽

獨少小紅絲會繫足，蕭史遲吹引鳳簫。馬卿忽奏來風曲，尋常聲息五知聞。促漏遙鐘兩斷魂，側帽望殘隄竹影。抽釵劃遍砌苔痕，蓬萊咫尺休嗟遠。絳繚輕裙便往返，曉把豪犀故剔梳。宵捫子鳥還加鍵，懷中轉側掌中擎。殷蒨難描嫫媿形，蛤帳霞光猶恍忽。蜃窗日彩更晶熒，刻骨思同膠漆洽。迷藏祕戲貪嬉狎，連天夢雨菴陽臺。平地風波生楚峽，無端阿母喚匆匆。捲幔披帷室是空，鸚鵡攪翻脂盞粉。狸奴搔亂綉牀絨，侍兒尋覓爭牽惹。瞥見微光抽替閤，聞道斜暹烏鼠山。頽垣近接鴛鴦社，防閑始悔未週遭。直待亡羊與補牢，瓜字分明慚碧玉。藕絲宛轉怨金刀，多生久作雙飛侶。豈忍禁持別離苦，携手潛登范蠡舟。齊眉共竒梁鴻廡，天桃已放出墻枝。元稹從題夾絕詞，無奈鳩媒偏作惡。不容雁婿永追隨，訴牒倥惚控花縣。狐城兔窟徵求遍，里胥排日計郵錢。亭長分程馳驛傳，替戾岡旋劬禿當。可憐屈體受銀鐺，淋鈴雨泣紅顏婦。賈索星臨白面郎，鮑誓從今消舊寵。刀環約在要離冢，馱金縱許贖文姬。化玉何時見韓重，君不見雪絮漫空颺。作塵沾衣拂幌總前因，柳枝逆

去樊娘嫁我亦情場潦倒人留鬢云漸看鬱鬱復離離  
忍遣芟除累剝師潘鬢見來增老態飛胡學得憶兒嬉  
依稀草活抽芽日彷彿花殘露蒂時猶自堪摩未堪捋  
免教人把彥回唾屬體風懷夢裏春鬢羞羞憶嚙妃唇  
好陪覓句拈髭客休對熏香殢面人青縷細含微見影  
紫珍纔展便傷神從渠長到星星日敢向中涓戲效顰  
咏題名錄云倚棹向通津紅箋開市塵買時漸啟齒度  
處暗傷神于佛名經錄三生慧業因未看先鄭重回視  
更遂巡幾輩曾盟笠伊誰是積薪名場驚絕迹號舍記  
比隣藥銚相依切風檐問訊頻獨憐叉手客未遇點頭  
人何敢輕餘子徒教怨不辰窮通知有命俯仰總嫌身  
孫閔剪牡舟歸云尋春閒訪野人家扶醉歸來日未斜  
買得扁舟小于葉半容人坐半容花其他如落梅云驛  
使再來休問信美人已嫁莫相思杏花云開當落日憐  
微倦嫁與東風恐不甘偶成云悞書因想得微倦覺眼  
佳

介社好作無題詩如衣上石華新唾迹帳中霞采舊丰  
神登壇不惜三年望展畫誰甘百日呼人誚其輕薄則

云畢竟閒情累何德不信惟有息夫人

常州李檢討英字芋圃余甲子科所得士爲人醇古淡  
泊一望而知爲君子年老乞歸掌教六安州過隨園宿  
十日去竟永訣矣卒無子歸雁云清秋雁聲落屋檐春  
早急去程期嚴此邦之人非汝嫌高飛冥冥去且僉稻  
梁雖謀退亦恬江湖暑濕難久淹吁嗟物性尚避炎春  
深云春深淹久客門掩卽山家悶遣攤書坐吟耽倚杖  
斜晚風敲徑竹微雨潤窗花不覺蒼苔暗深林已暮鴉  
僻處云僻處無喧囂閑中耐寂寞一卷味可耽雙屐懶

不著在苒春將殘東風捲羅幕庭前碧桃花遲開亦遲  
落

丙辰在都詩人大會有常州儲君師軾字學坡者年最  
長爲坐中祭酒後三十年會試出余門生李英名下選  
作棧官監鍾山書院久不來見余與莊君念農先往大  
呼而入曰太老師來捉小門生矣彼此大笑招飲隨園  
見贈云廿年名姓達安昌應許彭宣到後堂問字久辭  
松徑杳傳觴重嗅竹林香樓臺近水千層曲草木連山  
一帶長只恐徵書來北郭未容老住白雲鄉高築天風



百尺樓憑欄懷古意悠悠聲詩不墜開元後法物遺從  
宣政收借箸風生磨盾鼻讀與某將軍書登山雲起遂菟裘中  
林猿鶴無猜忌繞樹銀燈蠟展遊卒無子詩多散失

杭州潘涵字字情率六合以循吏稱兩子早卒家竟絕  
嗣甚矣天道之難知也僅錄其隨園小集云安住林亭  
遠放舟境隨人轉水隨鷗好出剛近長江口老屋深藏

大樹頭叱馭原同招隱別買園先為種花愁解遣墨綬  
銅章貴換得繁英與素秋香名弱冠飲都城壯志空山  
踽踽行陶令獲田償酒債敬姜操績伴書聲漁童歌好

垂絲聽長者車來拂袖迎一片倉山梅影水回頭還比  
玉堂清西亭北樹闌闌干閣引天風獵獵寒霄約飛魚  
傳去香新詩走馬借來看風生咳吐追唐調禮失威儀

謝漢官笑我熱中心未死偷閒來弄釣魚竿

同年許朝字光庭常熟人詩似放翁歿後家無繼起者  
錄其佳句云泉礙石流無意曲草經霜隕不須芟倚床  
愛就肱邊枕攬鏡貪看背後山得月便佳還值望是山  
都好不須各預思煮雪鑪先辦不會裁花譜借抄五言  
如病驃云眠沙深有印啣草嬾無聲山村云峯亂向入

船

湧泉分界石流又亦隔隄撐半露箭七字亦佳

蘇州周鈺字其相相遇于江雨峯家蒙一見傾必每過  
蘇州必主其家家道甚豐而性畜且傲卒無子以葬親  
故墜水死見贈云零亂花飛又一年思君時問北來艇  
隨園清夜三更月應照幽人獨自眠空吟場藿白駒詩  
往事傷心不可思南國至今悲賈誼為他偏值聖明時  
咏落花云鶯從此日空啼樹人到明朝瀕上樓

張長民秉政予表姪也父瀨官侍讀學士長民十五舉  
京兆三十天亡送余出都云芙蓉雙闕致君身悞逐飄

風落九旻丹穴有天翔鳳鳥金羈何術擾麒麟前候  
吏覘青犢江介行舟盪白蘋此去未須憐左授下方欲

識謫仙人

史梧岡進士名震林湛深禪理半世長齋知余不喜佛  
而愛與余談以為頗得佛家奧旨余亦終不解也記其  
觀荷云露折朱霞裊旭開凄涼心付蓼花鏡銀河正晒  
天孫錦風雨欺香禁早來蕊綻華峯闔錦年序班宜在  
牡丹先携琴笑坐如船藕去訪蓬萊海外天梧岡言修  
行無他慕只求免入輪回小認世間無數爺娘耳

閩人劉南廬名芳貌若枯僧以布衣雲遊所到必棲深  
山古刹受羣僧供養問何不遠鄉笑而不答晚年卒于  
通州之狼山羣僧爲葬于駱右丞墓側置石碣焉丁丑  
九月宿隨園見贈七律僅記中二聯云安仁尚有栽花  
興孟博全無攬轡心水影到牕知月上松風攪枕信秋  
深焦山避暑云十丈洪濤一小舸乘危避暑到僧寮衣  
沾濕翠晴猶滴榻拂涼雲午不消壓檻有天連水閣開  
門無路入塵囂濁醪我欲酬高隱千古幽魂未可招瓦  
官寺云瓦官瓦破佛廬荒三絕空懷舊講堂曲徑雲深

僧笠重聞門花落客鞋香行經河畔聞簫鼓坐近臺邊  
想鳳凰弔古一尊沽未至烟鐘風磬立斜陽軍山夜坐  
云星辰夜影牕間落江海秋潮枕上生

湯西崖少宰幼有美人之稱其幼子名學顯戊寅見訪  
長身玉立想見少宰風儀有慧山二首云九峯鬱雲根  
蜿蜒羅青蒼竇緣入幽磴長史舊草堂只今法象空寶  
旛馴鴿翔葉落拂床塵花放見佛光癯僧不談禪哦詩  
草木香孤意與俱水隨在如坐忘颯灑林風坐寒空弄  
清越山禽隔葉鳴好音聞不絕訪碣別烟蘿欽脚半磨

滅蝶老抱秋花松疎漏涼月際此執含毫秀采芙蓉發  
李嘯村最長絕句人有薄其尖新者不知温子昇云文  
章易作通峭難為若嘯村者不愧通峭矣其秦州舟次  
云烟汀月暈影微微辨得宵衣草上飛垂髮女兒知盪  
槳不辭風露送人歸夜泛紅橋云天高月上玉繩低酒  
碧燈紅夾兩堤一串歌喉風動水輕舟圍住畫橋西廢  
園云誰家亭院自成春窻有莓苔案有塵偏是關心隣  
舍大隔牆猶吹折花人青溪云粉牆經掃落花塵一帶  
樓臺樹影昏雨細風斜簾未捲縱無人在亦消魂却人

寫真云有影正嫌無處匿不才尚覺此身多此是嘯村  
最佳詩不歸愚別裁集只選上已憶白門一首云楊柳  
晚風深巷酒桃花春水隔簾人不過排奏好看字面最  
為下乘拾性靈而講風格者往往捨彼取此

白太傅云有唐衢者愛其詩亡何唐死有鄧訪者愛其  
詩亡何鄧死吾于金陵得二人焉一金光國一高步瀛  
詩筆超雋受業未及三年俱死金之詩惟存祝壽數章  
高有未灰稿二編晚春云百花开落草芊芊傑閣層樓  
白石邊埋沒春光全是雨初長天氣却如年客來未慣

陸園詩話卷十三  
驚雛燕人到無愁愛杜鵑裴几一燈三徑晚垂簾影裏  
是茶烟七絕云風刀瘦剪綠楊絲一路芳菲落日晴山  
曲不妨隨徑轉隔雲早見酒家旗靜裏消磨墨數升封  
書遠問作詩僧尋君曾到聞鐘後流水村橋照蠅燈佳  
句云不是近霜偏愛菊要需時日始看梅燈非報喜花  
爭結人慣離家夢轉無同人催上馬臨水廢觀魚名每  
輸王後嫌終遊榻前皆有心精結撰不入平淺一流  
紹興布衣俞楚江名瀚久客京師金少司農輝薦與望  
山相公公稱其詩有新意卒無所遇賣藥虎邱而亡登

九龍山遇雨云浮生徒碌碌昌雨渡寒津策馬山頭過  
雲橫不讓人偶成云安貧求自寡書劍漫相從且築數  
椽屋將爲一老農亭空雲可貯院小樹還容居近開元  
寺卧聽清夜鐘戒飲原因病村旗莫浪招忙酬花事畢  
閒養睡魔驕霜色歸蓬影秋聲上柳條竹爐茶未熟一  
縷細烟飄他如誰與吾來往西山一片雲柳倦欲眠風  
勸舞鳥歌未和雨催歸俱有意趣

儀真諸生張日恒受知梁瑤峯學使寫詩一冊屬尤貢  
父先谷將來見余呼舟未行以暴疾亡年未三十冊書

山中早春云不知芳信轉但覺鳥聲和倚檻聽溪水紆  
行繞竹坡池香生草細樹暖着花多雅意春風愜還應  
倒白醪青山守風云野戍依沙岸孤帆守客塗勞心虛  
悵望終夜戀菰蘆江影時明滅星光乍有無曉風狂不  
定神女弄波珠江令宅云南都多舊第江令最知名長  
坂雙橋合青溪一水迎仙臺迴騎杳高樹晚鳴嗚悵望  
城東路年年春草生

杭州宋笠田明府各樹穀芋蕪湖有賢聲罷官再起補  
陝西兩當縣過隨園一宿而別聞爲甘肅案誦成黑龍

江年近七旬恐今生未必再見幸抄存其詩立秋柬顧  
孝廉云前宵白雨昨清風燦石炎威轉眼空萬竅商聲  
先蟋蟀一年落葉又梧桐花開涼夜香偏久吟入秋來  
句易玉爲報湖頭二三子好脩遊展理詩筒獨步淨業  
湖云風吹堤柳綠斜斜淨業湖波亂似麻京國清明初  
斷雪故園二月已飛花青帘易買三升酒白乳空思七  
椀茶日暮一行飛雁落知棗會否過吾家山村小步云  
如此春光不自持寬鞋短策步來遲得時花柳有矜色  
入畫雲山無定姿佳節放閒村學散豐年預兆老農知

日斜碧水橋頭坐，何處鶺鴒向客吹。出京留別云：六年  
 燕市聚遊踪，酒席歌場處處同。一夕西風人去遠，便從  
 天上望諸公。對月云：桂花庭院晚風輕，簾捲西廳看月  
 生。只費一鉤懸樹杪，已教秋思滿江城。盆梅云：數枝也  
 復影橫斜，惹得羈人鄉夢賒。拋却西籬千樹雪，瓦盆三  
 尺看梅花。山塘閒步云：踈狂猶記少年時，幾處歌場鬪  
 雪詩。今日舊遊零落盡，酒痕只有故衫知。似此風光絕  
 可憐，相攜朋好踏春烟。怪他楊柳舒青眼，只向長街看  
 少年。紅花埠題壁云：六年京國夢江城，此是江南第一

程為算還家多少事，昨宵枕上聽三更。林處士墓云：巖  
 居尚恨雲常出，世事惟餘詩未刪。僧舍云：新花倚石儼  
 相待，古佛候門如欲迎。近郊小飲云：風吹池水干何事，  
 人映桃花憶此門。

笠田詩甚多，子又年幼慮其散失，故再錄其味。屋上草  
 云：秋雨積我簷，秋草繁我屋。分行隨瓦溝，踳勝等山麓。  
 得天雖有餘，資地苦不足。踐踏幸免加，滋蔓遂逞欲。率  
 爾占萬間，偶然餘一角。下止駭飛鳥，仰望饑奔犢。垂垂  
 映垣衣，密密成翠幄。高先偃疾風，柔能格響雷。憤被炊

民風言詩 卷十三  
烟遮不受樵採辱，嗚吻日以藏龍鱗。日以駁省牽蘿補，  
首代索綯約束，寧肯事剪除。留作百花禱。

孤甥陸建與香亭弟同受詩於余而建早亡余已梓湄  
君集行世矣其弟所年未及冠而天咏小滄浪云十里  
橫塘路，舳搖明月春。鴛鴦相識否，前度採蓮人。春暮云  
陰窗晝靜，獨徘徊綠上。踈簾認翠苔，忽見飛花三兩片。  
迴風舞過小溪來，落花云傷春無奈落花紅，夾在離騷  
一卷中。葬汝自憐非玉匣，開書到底見春風。

湖州進士沈澗字惟涓詩近皮陸人冬輕之然典雅處  
不可磨滅寄懷杭堇浦云休向江潭悵獨醒，青山偃蹇  
稱閒庭。枕函自秘，鄰媛記農社，還修耒耜經。小艇瓜皮  
乘月泛，清歌菱角隔簾聽。朝衫拋却饒幽興，好伴維摩  
著素屏。步履經過屢結趺，同牀各夢一悲呼。謂與陽逢  
窻聽雨都元敬，酒罷移官張藐姑。琴作家資空送別，鶴  
分俸料耐償逋。偶耕他日期相訪，穩卧瓜牛號野夫。  
丹徒朱竹樓懷人云何處飛來殘笛聲，西牕月落鳥爭  
鳴。誰言夏夜偏短，萬里夢回天未明。

蘇州汪縉詩學七子遊穹隆云星滿天壇河瀉影，月離



海嶠樹生烟栖霞云雲埋大壑封秦樹雷劈陰崖見禹  
碑乙酉秋闈遺才不錄遽登舟歸余聞之急往見學使  
彭公芸楣公謙云某在此衡文三年得毋有人怨我乎  
答曰有彭駭然變色余笑曰公毋驚也詩人汪大紳公  
不許其入場何也彭更駭云此某所拔歲考案首也豈  
有遺才不取之理余云渠已買舟歸矣乃手書其名補  
付提調而遣人追之時已八月初七日矣傍晚汪到見  
謝詩云業已混虛歸越國忽蒙追騎喚王孫

考據家不可與論詩或警余馬嵬詩曰石壕村裏夫妻

別淚比長生殿上多當日貴妃不死于長生殿余笑曰

白香山長恨歌峩嶂山下小人行明皇幸蜀何曾路過

峩嶂耶其人語塞然太不知考據者亦不可與論詩余

錢塘江懷古云勸王妙選三千弩不射江湖射汴河或

警之曰宋室都汴不可射也余笑曰錢鏐射潮時宋太

祖未知生否其時都汴者何人何不一考

唐相陵展云士不飲酒已成半士余謂詩題潔用韻響

便是半介詩人

蕪湖洪進士鑿以江山好處渾如夢一塔秋燈影六朝

陸

句馳名沈歸愚愛其夕陽無近色飛鳥有高心二句余  
道不如窗邊落微雪竹外有斜陽之自然也七言云入  
居客館眠常早家寄空書寫最難

壬戌秋余補官江寧余逢豫長卿以弟子禮見其人修  
潔自好以咏簾波爲戴雪村先生所賞詩宗溫李其秦  
淮曲云燈船歌吹酒船蓮天鼓聲聞唱柘枝石上暗潮  
鳴咽語無人解拜侍中祠可謂曲終奏雅矣咏竹床云  
微吟留枕席殘夢入瀟湘

癸未四月京口程君夢湘全遊焦山一路論詩渠最心

折於吾鄉樊榭先生心摹手追幾句抗手有絕句云昨  
宵忘記下簾鉤吹得梅花滿竹樓五夜蘭衾清似水夢  
涼酒醒雪盈頭在隨園賞海棠云隔著紫玻璃一片夕  
陽紅得可憐生又曰朦朧月色溫磨酒錯認釵鈿列兩  
行嗚呼有才如此宰湘陰未二年以事罷官口號云舌  
在猶生路詩多卽宦囊甫四十歲而死惜哉然松寥山  
房集四卷頗足不朽君字荆南天資絕高好吟詩畏作  
時文壬午鄉試向家人詭云入闈乃私匿隨園數日爲  
余斟酌詩集頗受其益

尹似村詩雖經付梓而非其全集也集外佳句云鵲非  
報喜何妨少雨縱澆花也怕多欲穿竹笋泥先破才放  
春花蝶便忙水去視池防夜凍春生布被藉爐温買將  
花種分兒女試驗誰栽出最多接尚方伯書云若得妻  
孥來笑我柴門那說沒人敲數聯可謂專寫性情獨近  
劍南矣

甲午二月予過真州南監掣張東臯招觀並頭牡丹一  
時作詩者無不以二喬爲比獨楊鯤舉二句云似承周  
白桃夭化絕勝漁陽麥兩岐

問

古名士半從幕府出而今則讀書不成始習幕此道漸  
衰猶之古稱秀才楊素以爲惟周孔可以當之非若今  
之讀時文諸生也康熙雍正間督撫俱以千金重禮厚  
聘名流一時如張西清范履淵潘荆山岳水軒等皆各  
重一時范詩最清無從訪覓只記西清過潯陽云潯陽  
江上客一歲兩經過去日梅花好歸時楓葉多櫓聲搖  
夜月帆影落晴波爲向山僧問塵容添幾何  
楊蓉裳金陵鄉試借舅氏顧公斗先來顧長不滿四尺  
而詩筆特佳仿鐵匡咏史樂府伏生女云坑不得闔內

儒燒不得腹中書伏生父女皆口授典謨訓誥如其初  
吁嗟伏生女強記人不如漂母云哀王孫在淮陰一飯  
之恩如海深哀王孫不求報千金之贈不可少千金容  
易一飯難沛公家有轆釜嫂

吾鄉王麟徵秀才名曾祥工古文不甚作詩而五言獨  
工如星芒林際大雪滴晚來疎慰某落第云曾說捐金  
能市馬俄聞買積竟還珠

山右王我園先生名師爲江蘇方伯爲巡撫安公所劾  
奪職歸余時宰江寧賦詩送行云他日終爲黃閣老此  
時權作白雲夫公見答云期君遠作中流柱愧我曾爲  
上大夫常題書舍云曲院回廊留月久中庭老樹閱人  
多

蘇州劉潢字企山有清才與顧景岳齊名常因召試  
來隨園貌瘦而弱旋以瘵亡僅記其晚云采缺月依橋  
斷孤雲背郭流

明鐵崖孝廉性骯髒不羈年四十早亡其兄竹岩爲誦  
其落花云薄命誰憐傾國色受風偏是最高枝贈友云  
空腸得酒生芒角交友因人判淺深

云步倒

已未年余乞假歸娶見呂觀察守曾于完顏臬使署中  
讀其松坪集樂府最佳如云雨雪思見睨歡去淚如霰  
來時笑相迎啼時歡不見夏日冬之夜猶有旦暮時與  
郎情難滿郊醕醢漏卮登雲山云石徑巉巖花氣紛偶  
乘餘興送斜曛不知絕壑何人嘯遙帶鐘聲入暮雲未  
二年署布政使以盧案受內臣周內憤而雉經非其罪  
也

洞庭山人蔣愚谷喜吟詩致貧其家以瘵疾亡其成仁  
菴云心安靜看閒雲過地僻渾忘夏日長虎邱云鳥栖

深樹斜陽影風過虛堂貝葉聲愚谷每來隨園往往有  
匆遽之色死後予挽聯云生為誰忙學業未成家已破  
死虧君忍高堂垂老子初啼

余知江寧過觀象臺見有題壁者云草色荒臺過雨遲  
短牆古柏暮雲垂桃花紅引遊人去獨自斜陽讀斷碑  
問之僧人乃喜興夏培叔名復森者所題因聘修志書  
耳龔興豪一日從嘉興還金陵告余曰家中手植老梅  
一本去冬為僮所伐乃弔之云老梅移植廿餘載客裡  
歸看已作薪無復橫斜舊時影負他多少後來春秦淮

夏集云傍晚紛紛載酒卮有筍處過船遲一河風月  
無人管都付橋南楊柳枝亡何歸里卒相隔三十餘年  
聞其子鼎中庚子副車余感詩人有後爲之狂喜

沈歸愚選 本朝詩不知杭州王百朋幾有遺珠之嘆  
余告之曰百朋諸生名錫毛西河高弟子也有牖竹軒  
集無題云燈暗頻疑虛室響衾多不敵半床寒金針入  
處心俱痛素線深時恨其牽皆余幼時所熟誦句其子  
厚齋與余隣居交好和余落花云乍驚彼美從天降直  
覺斯文掃地來余覺不祥果一第而卒厚齋名風淳

人但知商寶意先生以詩名海內而不知其弟名書字  
響意者亦詩人也作貴州吏目有消夏吟云雨後絮全  
響日中崖半陰壞簷蛛網結嘉樹雀巢深永日無公事  
閒居有道心生衣隨意着涼意滿衣襟又六月無三伏  
一朝有四時蜂巢當午開蚋壤趁涼歌真能寫黔中風  
景

唐人詩中往往用方言杜詩一昨陪錫杖一昨者猶言  
昨日也王逸少帖一昨得安西六日書晉人已用之矣  
太白詩遮莫枝根長百尺遮莫者猶言儘教也干寶搜

神記張華以獵犬試狐狐曰透莫干試萬慮其能為患乎晉人亦用之矣孟浩然詩更道明朝不當作相期其聞管絃來不當作者猶言先道个不該也元稹詩隔是身如夢頻來不為各隔是者猶云已如此也杜牧詩至竟薛亡為底事至竟者猶云究竟也

古樂府碧玉破瓜時或解以為月事初來如瓜破則見紅潮者非也蓋將瓜縱橫破之成二八字作十六歲解也段成式詩猶憐最小分瓜曰李羣玉詩碧玉初分瓜字年此其証矣又詩中用所出者蓋本南史沈炯傳文

挖瓜

帝聖曰當勅所由相迎尊累一解以為州縣官一解以為里保又和凝詩蟻蟻領上訶梨子人多不解朱竹坡曰訶梨婦女之雲肩也呂種玉言鯖云祿山瓜傷楊妃乳乃為金訶子以掩之或云即今之抹胸

偶讀馮益都相公集有弔明季楊左二公詩云忠魂莫再傷冤抑今日猶能壓 聖衷下註面奉 聖祖云二臣死于廷杖非死于獄也

相傳世有空青人無瞽目其真者余未之見也惟南蘭張天池家藏一顆石巔趾僅寸許面帶波痕光采空靈

中伏一兔兔腹下藏銀母漿搖蕩有聲據云其先人得自海上傳家已三世矣同年儲梅夫太史題七古云白雲縹渺太素含葩光隱現細浪蹙入水能教霞采生舟行怕有饑龍逐博物志龍嗜空青燕肉海鹽馬世榮字煩郊墨林觀察之祖與陸稼書先生交好所著詩集有白生歌云白生者蛇精也化美男子爲錢千秋孝廉所狎孝廉謫戍出塞白與偕行情好綢繆後遇赦歸錢官司李白以手帕託錢求張真人用印事被受誅乃乞錢以玉妝裝其骨道百年後可仍還原身

事甚詭誕而馬乃理學人非誑語者惜詩有百韻不能備錄

蘇州老紅豆惠周迪先生有句云花浮小盞三投酒乳撥深壚七品茶人疑七品當是七椀之誤余曰非也金人七品官才許飲茶書見金史惟三投酒未詳所出或是三辰酒之訛先生有香城驛一絕云縵田乘雨破春耕落日柴車帶犢行繞屋馬通高一尺地名還自號香城

桐城一詩入方扶南與方南塘齊各魚門愛扶南余獨



愛南塘何也以其詩骨清故也扶南苦學玉奚少陵兩  
家反爲所累大闕性靈南塘如風定孤烟直天邊獨鳥  
沉因潮通估客隔葦見漁燈閏年入夏花猶在積雨逢  
晴草怒生皆扶南所不能至于無意懷人偏入夢未報  
恩門蓋再入其妙在真又清風時一來悠然復徐歇真  
陶詩之佳者

顧俠君先生選元百家詩夢有古衣冠者數百人拜而  
謝焉杭州嚴曙聲煩贈云但見三吳書板盛不知十載  
遷樓忙王介肩選遺鑑成而未祥儲梅夫贈云二十一  
史加前明王郎鏤板胸中行

凡咏險峻山川不宜近體余遊黃山携曹震亭江鶴亭  
兩詩本作印証以爲江乃巨商曹故宿學以故置江而  
觀曹讀之不甚嫌意乃擷江詩大爲嘆賞如兩行許村  
云昨朝方成途雨阻欲無路今晨思啟行開門滿晴煦  
兩若拒客來晴若招客赴山靈本無心招拒詐有故又  
曰非是山行剛遇雨費因自入雨中來皆有妙境雲海  
云白雲倒海忽平鋪三十六峯遭吞屠風帆烟艇雖不  
見點點螺髻時有無一笑塵中局縮轆下駒曷不來此

一笑句中恐  
有幽脫

登斯須垣遊瓦歷胡爲乎雲谷云領妙如悟禪搜秘等  
居讐看山得是法善及無全牛其心胸筆力迥異尋常  
宜其隱于禺莢而能勢傾公侯晉爵方伯也卒無子年  
逾六十而終嗚呼非余與交四十年又誰知其能詩哉  
正喻夾寫之詩前已載數條矣茲又得黃莘田驟令云  
今日蒙茸昨締絡炎涼只在一宵中闡乘僧園上云縱  
教吹出桃花去自有山風吹送回王雲上山行云敢云  
閱歷多艱苦最好峰巒最不平

閩中鄭蘭州太守無題云此身願化催歸鳥到處逢人

苦勸歸余仿其意賀人致仕云我是嘉賓慕高隱喜人  
歸勝自家歸鄭有駢體自序云羊叔子不如銅雀妓雖  
近于諧卓文君得嫁馬相如尚嫌其晚

合肥才女許燕珍元夜竹枝云鰲山烟火照樓臺都把  
臨街格子開椒眼竹籃呼賣藉金錢拋出繡簾來題余  
三妹素文遺稿云采鳳隨鴉已自慚終風且暴更何堪  
不須更道參軍好得嫁玉郎死亦甘嗚呼班氏人物表  
原有九等玉癡之不過庸才中下之資若妹所適高某  
者真下下也燕珍此詩可謂實獲我心

同年錢文敏公維城在都時所居綠雲書屋陳乾齋相國之故宅也公文浣青有詩才與婿崔君龍見弟維喬戚里莊君所管君世銘五人倡和宅有古桑綠陰穆穆映一畝許視其影將逾屋則公必退朝各呈詩請政公欣然爲甲乙之有鳴秋合籟集兩卷真公鄉佳話也余嘗戲之曰唐虞之際于斯爲盛有婦人焉四人而已諸君詩不能備錄惟摘浣青通天臺云當塗代漢逾百年銅人之淚流作鉛移經灞水亦傷別回頭空盡東關烟華清宮故址云新臺之水古所耻老奴遂爲良娣死盛衰轉眼五十年始知李嶠真才子

余甲子科從沐陽就聘南園過燕子磯見秦秀才大士題詩壁上有漁火真疑星倒出鐘聲欲共水爭流之句心甚異之次年奉調江寧秦以弟子禮見見贈一律中二聯云門生半爲論文至大吏都邀作賦還玉塵清談時善謔烏紗習氣已全刪予月課多士拔其尤者如車研糞楷沈石麟龔孫枝朱本楫陳製錦及秦君等共二十人徵歌選勝大會于徐園有伶人康某爲余所賞秦卽席賦詩云秋雲羃歷午陰長舞袖風回桂蕊香忘是

將軍門下客公然子細看康郎一坐爲之解頤余尤愛  
其遊秦淮云金粉飄零野草新文牆日夜枕寒津興亡  
莫漫悲前事淮水而今尚姓秦後中狀元官學士  
徐園高會時余首唱一絕諸生和者十九人龔孫枝繪  
圖以記其勝掛冠後詩画俱遺失園亦荒圯越四十年  
有邢秀才作主人葺而新之末亭上對聯余題曰舊地  
怕重經記當年絲竹宴諸生回頭似夢名園須得主看  
此日樓臺逢哲匠著手成春

庚申在京余與裘叔度同年同車遇雨裘誦其師梁仙

來太史一聯云飛雨不到地輕烟吹若塵太史名機  
正癸卯翰林外出爲令高安相公薦鴻博入都與余相  
遇於琉璃廠書肆中咏桃花云渾疑人面隱下馬悞題  
門贈妓云欲作歌聲畏花落選詞先唱鎖南枝齋葉云  
老去還嗟耳力追白吹羌管不聞聲沙邱云荆卿七首  
漸離筑可惜不逢祖龍三十六

揚州江賓谷白首名場奈每過邢汪賓谷必呼子姪出  
見曰余少時得見前輩某某至今每說於人汝等不可  
與隨園先生當面錯過余感其意錄其與弟蔣睦夜坐

云宵中更警嚴城析暑退人親小室燈冬晴云刺菊尚  
支蒼徑賞凍蠅微觸紙懸閒咏古梅云乍見根疑石旋  
驚雪作香

洒

蕙畦名恂咏穹廬雪云穹廬雪嚼復咽鹽毛已盡雪不  
歇雪能冷骨不冷心十九年來覺長熱風沙大地慘無  
春只有守中之節凍不折君節臣執臣不辭臣節君薨  
君不知淚零紅雪吞不得酒在茂陵松柏枝蕙畦刺毫  
州守徽州俱有善政所藏金石文字最多

曆

士顯和云流細水初活花遲春轉寬

常州徐太史昂發上韓慕廬尚書云佳士姓名常在口  
好官階級不關心孔雱谷贈龍明府雨樵云有意憐寒  
士無心媚長官嗚呼古之人歟

丙戌三月余過京口宿荳荊亭秀才家庭字幽遂饌飲  
精妙燈下出詩稿見示余為加墨記其佳句云隣船通  
客語廬枕納潮聲千里月明天不夜五更風急海初潮  
官亭道上一絕云細道繞平疇時聽農歌起回頭不見  
人聲在不麻裏未數年秀才入詞林丁酉鄉試作吾鄉

副主考

又

淮亭詩人黃浩秋柳云小驛孤城風一笛斷橋流水  
路三又余曰佳則佳矣惜其似梅花詩有某公咏梅云  
五尺短牆低有月一村流水寂無人或笑曰此似偷兒  
詩

許竹人侍御題路上去思碑云君看去思官道石深鑿  
鏘不到人心足補白太傅咏碑之所未及

壬寅春余遊西湖高漱石居間步斷橋遇一少年問路  
愁容可掬扣其故曰我平湖秀才來遊湖上進錢塘門

行李被竊無處投宿予疑不實問既是秀才可能詩平  
日能命咏落花操筆立就有句云入宮自訪連城價坐

路偏多絕代人余大驚留宿贈金而別但記姓郁忘其  
名

余苦春寒不已中州呂柏岩詩云朔風烈烈知何意不  
許江春入得來張自南云春寒不遂早已去今日又從

何處來兩押來字俱妙

王中丞怨四川人號樓山過潮州感舊詩曰金山遙對  
鳳凰洲樂馬崆峒憶舊遊二十七年如昨日八千里外

是并州空餘大樹翻斜日尚有遺丁說故侯路過西州  
秋欲老舊參軍也雪盈頭通首唐音許竹素先生爲余  
誦之

余嘗謂魚門云世人所以不如古人者爲其胸中書太  
少我輩所以不如古人者爲其胸中書太多昌黎云非  
三代兩漢之書不敢觀亦卽此意東坡云血裏陽詩非  
不佳可惜作料少施愚山駭之云東坡詩非不佳可惜  
作料多詩如人之眸子一道靈光此中着不得金屑作  
料豈可在詩中求乎予頗是其言或問詩不貴典何以

少陵有讀破萬卷之說不知破字與有神二字全是教  
人讀書作文之法蓋破其卷取其神非囿圖用其精粗  
也蠶食桑而所吐者絲非桑也蜂采花而所釀者蜜非  
花也讀書如喫飯善喫者長精神不善喫者生痰癆  
巖客友曰凡詩文妙處全在於空譬如一室內人之所  
遊焉息焉者皆空處也若室而塞之雖金玉滿堂而無  
安放此身處又安見富貴之樂耶鐘不空則啞矣耳不  
空則聾矣范景文對床錄云李義山人日詩填砌太多  
嚼蠟無味若其他穢苦諸作排空融化自出精神一可

以為戒一可以為法

保勵堂待郎送人納妾七律後四句云席上偶然教進  
酒燈前何敢遽呼郎只因未識夫人性試問明朝那樣  
粧

明季用兵時有女子劉素素者被掠題詩店壁云天明  
吹角數聲殘將士傳呼上玉鞍恰憶當時聞閣裏曉粧  
猶怯路桃寒

宛平袁明府增字保侯宰江寧時與余通譜有句云天  
遠望窮飛去鳥春寒誤盡早開花咏瓶云飲水自知胸

最冷衝花應覺口常香

先慈九十生日祝壽詩無慮百餘首予獨愛龔旭開秀  
才五律一結云為有稱觴客今朝戶不高淡而有味

杭州風俗人家作醬甕上鎮壓必書姜太公在此五字  
余嘗疑之孫文和秀才笑曰君豈不知太公不能將兵  
而善將將乎又過張息侯家見其奴攜燈籠來上題賴  
有此耳四字兩用史書語令人莞然

蔣戟門觀察招飲珍羞羅列忽問余曾喫我手製豆腐  
乎曰未也公即着犢鼻裙親赴厨下良久擎出果一切



盤餐盡廢因求公賜烹飪法公命向上三揖如其言始  
口授方歸家試作賓客咸夸毛侯園廣文調余云珍珠  
羣推郇令庖黎祈尤似易牙調誰知解組陶元亮爲此  
曾經一折腰

南宋末年士大夫簞簋不飭有鄭熏者素作賊以軍功  
得主簿衆不禮焉鄭乃獻詩云鄭熏素行本非端熏有  
狂言上衆官衆官作官還作賊鄭熏作賊遣作官


方厚感論畫云神品如孫吳能品是刁斗森嚴之程不  
識逸品則解鞍縱臥之李將軍又曰厚不因多薄不因

小奈愛其言可通乎詩故錄之

唐太宗云泥龍竹馬兒童之樂也翠羽明珠婦女之樂  
也余亦云急流勇退後起有人士大夫之樂也今之人  
惟揚州秦西巖先生以觀察致仕子又繼入翰林宜其  
詩之自然貽名也南莊題壁云郭繞村烟水繞堤數椽  
屋可托卑槽百年老樹留花塢二頃荒田雜菜畦更信  
小園枝下上王珣別墅澗東西誰云巢許買山隱家在  
城南認舊溪策杖登樓眼界寬邢溝一水迅奔湍天邊  
漕運梯雲上江外山光帶霧看南北塔高雙鷁立東西

栖

橋鎖九龍蟠往來多小風帆急孤櫂何如斗室安



首夏自念四日閱竟  
公鑑氏

